

卷四

文王易義

理

孟

諸

述

朱子太

卷四

武
關
錄
八

**PLEASE DO NOT REMOVE
CARDS OR SLIPS FROM THIS POCKET**

UNIVERSITY OF TORONTO LIBRARY


B
127
C65H34
1722
V. 3

**EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5**

經義記聞錄卷第五 附錄

易學答問圖

河圖




記聞錄卷五

易學答問圖



河圖與先天太極相合之圖

五十有五之數自相乘之則太極




伏羲則河圖作易畫卦之圖


庚乾 辛兌 丙離 丁震 甲巽 乙坎 壬艮 癸坤




伏羲則河圖布卦之圖




橫圖次序合河圖之圖




圓圖方位合河圖之圖



文王則河圖布卦之圖




六十四卦方圓之圖



文王演六十四卦圖

先天八卦為體之圖


先天主卦畫之對待仍著卦氣



之交運對待中有流行之妙


後天八卦爲用之圖

後天主五行之運行兼示四方



之定位流行中有對待之體

先天八卦取象之圖



後天八卦取象之圖



易學答問

或問曰伏羲之時天地初闢人文未宣河圖首出而
八卦始畫八卦既畫而書契肇初書契既初而教方
略備人道漸明矣然則河之一圖實萬世彝教之根
本而理學之淵源也況其降之自天非出於人爲則
是必有微妙無窮之理包盡天地萬物之情者可得
而聞之耶曰天地至大萬物至衆而不過陰陽五行
而已也陰陽迭運五行錯行而又不過一太極而已
也陰陽五行太極之理不可端倪而惟此圖盡之了
此一圖則其於天地之造化人事之無窮可一以貫

之矣請略言之圖之七九相連於右上者卽陽之動也六八相連於左下者卽陰之靜也一三居于六八之內二四伏于九七之內者陰根陽陽根陰而陰陽互藏其宅也五與十居中者卽太極也所以動而陽靜而陰之本體而夫子所謂易有太極者也一六共宗于北二七爲朋于南三八同道于東四九爲友于西五十相守于中者陰陽生五行也五行具則造化發育之具無不備而所以化生萬物變化無窮者也蓋五與十爲太極而五者陽之數十者陰之數則是太極之具陰陽動靜之理而無不該者也二十奇爲

陽二十偶爲陰而一而三三而七七而九者陽之盛
有漸也二而四四而六六而八者陰之盛有漸也七
九八六之各著于外者是升降生殺之有大分也而
一三二四之互伏於內者是無截然爲陽爲陰之辨
而陰陽無可盡之時者也陽主升故陽之生數居下
而成數在上陰主降故陰之生數居上而成數在下
也一六爲水二七爲火三八爲木四九爲金五十爲
土而水與火對木與金對者四方之對待也水而木
木而火火而土土而金金而復水左旋相生者五氣
之順布也分而爲五行合而爲陰陽則五行一陰陽

也二十奇二十偶共包五與十則陰陽一太極也因
是推之則大而天地之變小而一歲之運遠而萬物
之數近而人心之理無一不具於其中矣嗚呼至哉
非天之所啓能如是哉是故圖之繼此而作者如伏
義之先天濂翁之太極雖各盡其妙而要皆不出於
此圖按圖考之可見也

曰先天太極之合乎河圖者可得言其詳耶曰河圖
右上七九之相連卽先天左邊三十二卦之陽太極
第二圈之陽動也左下六八之相連卽先天右邊三
十二卦之陰太極第二圈之陰靜也一二居于六八

之內者卽先天右邊陰中之陽太極右邊黑中之白也二四伏于九七之內者卽先天左邊陽中之陰太極左邊白中之黑也其中五與十者卽先天太極之中間白處謂之太極者也一九二八三七四六之相得卽先天之四象八卦也一六二七三八四九之相合卽太極之五行也合而爲五十有五之數而又以五十有五自相乘之則卽先天三百八十四爻太極男女萬物之象也此河圖之爲先天太極之本而先天太極又相爲表裏者也夫河圖出於天而先天太極作於人先天初於前而太極畫於後出於天者固

無待於人作於人者非強擬於天而自不違背於
前者非有預見於後畫於後者未必追考於前而默
相符合則理之本一而無天人古今之異者又可見
矣

曰伏羲則河圖作易之事先儒雖已論之今亦有可
詳言者歟曰圖之虛五與十爲太極二十奇二十偶
爲兩儀以一二三四爲七八九六爲四象析四方之
合補四隅之空以爲八卦朱子之論也大略如此而
無他曲折之推詳故亦莫見其兩儀之爲一畫四象
之爲二畫八卦之爲三畫何則也四象八卦陰陽奇

偶之或純或交何則也四象八卦之生於某儀某象者亦何則也愚竊謂易卦之畫既本於圖則兩儀之爲一畫四象之爲二畫八卦之爲三畫與夫四象八卦陰陽奇偶之或純或交四象八卦之生於某儀某象者必皆有合於圖不但位數名目之相符而已也故嘗僭爲一圖分爲四層第一層以五與十爲太極第二層以二十奇爲陽儀二十偶爲陰儀邵子所謂太極分而兩儀立者也第三層以陰儀之半二八交於陽儀之上半生陽儀上一奇一偶而爲太陽少陰以陽儀之半三七交於陰儀之上半生陰儀上一奇

一偶而爲少陽太陰邵子所謂陽上交於陰陰下交於陽而四象生者也第四層以太陰之位加太陽之上半而爲乾爲兌以少陽之數加少陰之上半而爲離爲震以少陰之數加少陽之上半而爲艮爲坤邵子所謂陽太陽之位加太陰之上半而爲艮爲坤邵子所謂陽交於陰陰交於陽而生天之四象剛交於柔柔交於剛而生地之四象者也八卦旣成則乾一兌二離三震四巽五坎六艮七坤八之序自然依此連排而無一毫人力私智之所安排也然後見其卦畫中兩儀之爲一畫四象之爲二畫八卦之爲三畫與夫四象

八卦陰陽奇偶之或純或交者四象八卦之生於某
儀某象者皆有所則而然非泛然擬之者也至若二
者以位相交二少以數相交者蓋陽主進陰主退九
者陽數之進而一者其位之退也六者陰數之退而
四者其位之進也故二老以數爲重而以位爲輕三
者陽位之進而七者其數之退也二者陰位之退而
八者其數之進也故二少以位爲重而以數爲輕然
則以其重者自加輕者交於他亦重內輕外先此後
彼此理勢之自然也

曰子之論則圖畫卦之義似與朱子說不同試言之

朱子以河圖之虛五與十爲太極而子直以五與十爲太極朱子以太陽位數爲乾兌而乾得九兌得一以太陰位數爲艮坤而艮得四坤得六以少陰位數爲離震而離得八震得二以少陽位數爲巽坎而坎得七巽得三子以二太位數相交爲乾兌艮坤以二少位數相交爲離震巽坎此皆不同何也曰河圖之數五十有五洛書之數四十有五大衍之數五十其數之多寡位之所布皆不同然縱橫推之無所不通故畫卦者本乎河圖而亦合乎洛書之位數敘疇者本乎洛書而亦合乎河圖之位數作筭數者本乎大

衍而亦合乎河圖之數故朱子曰聖人說這數不只
是說得一路自然有許多通透去又曰苟明乎此則
橫斜曲直無所不通而河圖洛書豈有先後彼此之
間哉此蓋數原乎理之一故數之變者通乎一理該
乎數之殊故理之變者不可窮若欲以一說一義斷
之而不容其復有一說者非所以語理數之源者也
然則雖使愚說實有所異於朱子說猶可備一說況
其爲說悉本於朱子而特推其詳則又何不可之有
哉蓋朱子之論太極求之於兩儀四象八卦環布四
面之中故虛其中五與十以象太極之居中無形而

其所以爲太極者實不外此五與十之位則又豈真捨五與十而論太極哉愚之論太極推之於兩儀四象八卦未生之前故以中五與十從一邊起以象太極之爲兩儀四象八卦之本而其所以爲太極者亦非真以爲有形象方所如兩儀四象八卦之云則又豈實遺夫虛中之義哉此其似異而實不異也至於八卦之各配其所生本象之位數者雖於義爲通而其說不著於啓蒙又不合於析合補空之說則其不以爲正義可見也析合補空之說只以八卦圓圖之位合乎河圖之位而已亦非所以直推八卦之各自

某數而來者則此不可無更推之說也故愚推本朱
子二太相交生天四象二少相交生地四象朱子解邵子說
者之說依倣大易本義之圖反之於河圖以爲圖若
說則其圖其說又豈有一不本於朱子之意者哉
曰伏羲圓圖之布亦有則於河圖耶曰八卦對待河
圖中本有此象故伏羲因而布之耳太陽之位與太
陰之數相守於北而乾生於太陽坤生於太陰則乾
坤相對之象也少陽之位與少陰之數相合乎東而
坎生於少陽離生於少陰則坎離相對之象也太陰
之位與太陽之數共居于西而艮生於太陰兌生於

太陽則艮兌相對之象也少陰之位與少陽之數同處乎南而震生於少陰巽生於少陽則震巽相對之象也乾自北而進居乎南與坤對則巽避于西南而對巽之震自居於東北矣坎自東而分居于西與離對則艮避于西北而對艮之兌自居于東南矣然則圓圖之布夫豈無與於河圖哉

曰伏羲既則圖畫卦則其卦之次序亦有合於圖者歟曰乾兌得九四而成卦故配九四之位離震得七二而成卦故配七二之位巽坎得三八而成卦故配三八之位艮坤得一六而成卦故配一六之位以卦

周而圍之則成圖之右九四上七二左三八下一六
之位將圖伸而長之則成卦之乾一兌二離三震四
巽五坎六艮七坤八之序者無不脗合而乾兌離震
之配位自外而內巽坎艮坤之配位自內而外亦先
數陽後數陰之序也乾之純陽配九而兌之有一陰
者配四坤之純陰配六而艮之有一陽者配一其餘
四卦陽多者配奇陰多者配偶亦莫不有自然之象
也至於乾兌得九四而屬金離震得七二而屬火巽
坎得三八而屬木艮坤得一六而屬水而一二三四
皆自中五而來七八九六皆因五而成則土亦無所

不在也自坤艮起來數至乾而復爲坤又有合乎五行相生四時循環之序矣

曰伏羲布卦旣則河圖則其方位亦有相合者耶曰圖中一是陽之生三是陽之長七是陽之盛九是陽之衰二是陰之生四是陰之長六是陰之盛八是陰之衰故以震之一陽始生者居東北而配一以離之陰衰者居東而配八以兌之二陽浸長者居東南而配三以乾之三陽極盛者居南而配七以巽之一陰始生者居西南而配二以坎之陽衰者居西而配九以艮之二陰浸長者居西北而配四以坤之三陰極

盛者居北而配六此其卦圖方位無不合者也陽衰
於九陰衰於八云者九與四同居而四陰已長於內
則內者爲主而陽之勢已分矣八與三同居而三陽
已長於內則外者爲客而陰之勢已奪矣況九者陽
之極八者陰之極而極則衰生者乎然此特論其圖
卦之配合而爲言耳若正論陰陽盛衰之極致則固
不當泥此之說此又可見河圖所包之至廣而橫說
豎說皆可通者也

曰文王八卦方位亦有則於河圖而有合者歟曰文
王八卦專主五行之運行故其所取則於河圖者亦

取其五行之方位耳乾兌居四九金之位乾陽金故

金故離當二七火之位震巽居三八木之位震陽木

配四坎當一六水之位艮坤配五十土之位而分巽陰木

居間方其位一則以五行相對也故欲知八卦配五行

之源則當以文王八卦之位準之於河圖五行之位

欲知文王布八卦之由則當以河圖五行之位證之

於文王八卦之位也

曰予之以先天八卦配屬五行又與後天不同其義

亦有可言者歟曰河圖之中既具五行生成之數而

八卦之畫又本此五行之數而成則八卦之隨其所

得之數而爲五行者可見其理之必有矣况河圖五行一陰一陽兩其五行故八卦之配屬五行者亦各具陰陽而兩其五行則其出於理數之自然而非人力私智之所牽合強排而成者又可見矣至於後天則文王因伏羲之卦變而通之以爲入用之位故其父母男女之取象離南坎北之位皆與先天不同則先天之五行又何必求其後天之相準哉若以八卦之成畫推之則乾之三陽至剛而成於天九則是爲陽金乾之三陽中實卽金之成質兌之象也兌之二陽次剛而生於地四則是爲陰金也兌之一陰卽生金之象四之象爲

也陽離之二陽在外而成於天七則是為陽火陽離之二

即火之成質也震之二陰包陽而生於地二則是為

陰火也震之二陰即地二之象火明為陽也巽之二陽出上

而生於天三則是為陽木巽之二陽即天三之象木植為

也陰坎之二陰附外而成於地八則是為陰木也坎之

包陽即木之成質也艮之一陽在上而生於天一

則是為陽水艮之一陽即天一之象水柔為陰也坤之三陰

至柔而生於地六則是為陰水也坤之三陰內虛即

黑之生數之一二三四皆自中五四面一點而來成

數之七八九六又皆生數之得五而成者則土之無

不在也先天主於生出故以陰陽之生五行而定體
後天主於運行故以五行之自相生而爲位其所配
屬不得不具也且說卦中言八卦之五行或言或否
無論先後天而皆有所不備則後天之備言五行必
是後人之所備也先天八卦生於五行生成之數後
天八卦又以造化運行為主則是其爲五行者必已
皆具於其始而特未明言之耳安知先天一變而爲
後天後天見用而先天不用故後人於後天則備言
而先天則不復及耶今既推言先天八卦之生於五
行之數則又備言其八卦之爲五行似不可已也大

抵五行同出一原故五行各具五行之理而其變至
於不可窮是以說卦中以一卦而爲數行者多矣至
於堪輿家五行互相變易者其說雖不可盡取謂之
全無其理則不可也況於先天後天各以生出運行
分爲兩五行而備言之者又何可疑之有哉於是而
疑者殆不可以語易矣

曰河圖洛書之爲數同其列於龜馬之背者亦同而
曰圖曰書名之不同何也曰伏羲受河圖而畫卦八
卦圖也大禹錫洛書而敘疇九疇書也圖書之稱恐
或曰所作而名其本也歟

主疑本
之誤

曰先儒以洛書可以爲易而河圖可以爲範信乎曰
天下之數不同而天下之理本同故若數之出於理
者亦可以變通而歸一矣此河洛之數所以有不同
而其歸無不同者也曰然則易之必則河圖而不待
於洛書範之必本洛書而不考於河圖者何歟曰八
卦天理之自然者而九疇人事之當然者也天理爲
體而人事爲用體以生出爲主用以克制爲本河圖
之五行相生洛書之五行相克故八卦必則河圖而
九疇必本洛書者也曰體以生出爲本用以克制爲
本何歟曰不有生出則無是物矣無是物矣則安得

有體乎此體之所以生出爲本也不有克制則無所

取裁無所取裁則安得爲用乎故水火相煎而養人

如飲食烹飪之事與病熱則以養人也水土相錯而養

物如寒則以熱治之皆所以養人也木遇金而成其棟樑樣

桶之材金遇火而成其鍾鼎刀劍之器土遇木而成

其耕耘稼穡之功此用之所以克制爲本也蓋造化

之運生而不克則物無所裁克而不生則物無所存

生者所以待其克而克者所以成其生也如春夏生

之故秋冬殺之秋冬殺之故春夏又生之一生而不

殺則生者不復繼矣一殺而不生則殺者不復再矣

一生一克而天地之功用所以不息也

曰伏羲六十四卦方圓圖之異可得聞其說耶曰六十四卦圓圖本無異於八卦圓圖但有大小詳略之別耳若方圖則其規模法象與圓圖迥異蓋以專明天地之定位也其法自南至北自東至西自西南角至東北角自西北角至東南角皆八層也自八方推之而無適不遇其對待也自北至南而橫看之則坤八卦對乾八卦艮八卦對兌八卦坎八卦對離八卦巽八卦對震八卦自西至東而直看之亦然從西北角斜望東南角乾坤艮兌坎離震巽各以本卦相對

從西南角斜望東北角否泰咸損既濟未濟恆益皆
以其相交者相對此對待之所以定天地之位也天
地最居於外而山澤次之水火又次之而風雷最居
其內定位者居外作用者居內此又定位之中有作
用之妙也自坤至泰其間六卦陽少陰多至乾而陽
盛自乾
中自泰至乾其間六卦陽多陰少至乾而陽盛自乾
至否其間六卦陰少陽多至否而陰中自否至坤其
間六卦陰多陽少至坤而陰盛此又對待之中有流
行之運也圓圖以流行爲本而對待在其中方圖以
對待爲本而流行在其中合二圖而言之則圓者爲

天方者爲地而天地定位也分而言之則方者天地之定位而圓者天地之運用也各就其中而言則方者定位中有流行而圓者流行中有定位也圓圖之對待其陽在南其陰在北以天之日月行乎南而隱乎北也方圖之對待其陽在北其陰在南以地之山嶽鎮於西北而川澤會於東南也圓圖之流行自左而右以天道左旋而日月生於東沒於西也方圖之流行自右而左以地道右旋而山川起於西北而歸於東南也故方圓之圖一言而蔽之曰天地之道也曰先天八卦之取象於天地水火山澤風雷何歟曰

乾之三陽至健則天之象也坤之三陰至順則地之

象也離之一陰居中則陰為陽制而為火之象也坎

於地二則是陰也而陰之始生甚微故坎之一陽居

中則陽為陰陷而為水之象也水生於天一則是陽

故為地六之陰所陷艮之一奇附於二偶之上則上

隆下順而山之象也奇者圓而能隆偶則方而不能

兌之一偶居於二奇之上則上通下塞而澤之象也

上通陰之壅也震之一陽在內而動二陰在外而包

則奮擊發散而為雷之象也巽之一陰在內而聚二

陽在外而動則周旋不舍而為風之象也八卦取象

大槩如此然乾之為天以其圓也乾三奇奇者徑動

也陽性實也乾三畫皆連對坤之虛中者為實即不

專取於健之一字也坤之為地以其方也坤三偶偶

四則靜也主靜虛也坤三畫皆虛中即地之氣者也不但取

於順之一字也仔細推之則他卦無不然矣

曰後天八卦之為五行亦有可考於卦畫者歟曰乾

之三陽至剛而物之剛者莫如金則乾之所以為金

也坤之三陰至柔而物之柔者莫如土則坤之所以

為土也兌之為金以其似於乾也艮之為土以其似

於坤也坎之一陽內明而二陰外暗則所以為水也

震下疑
脫之字

木下疑
脫之字

離之一陰內暗而二陽外明則所以爲火也善動者
木也善入者亦木也而震之一陽動巽之一陰入則
皆所以爲木也兌有一陰則金之始生於土者也乾
是純陽則金之已成其質者也震一陽動於二陰之
下則木之萌動於地中者也巽之二陽出於一陰之
外則木已出於地上者也如是推之則八卦之所以
爲五行與其所以爲用皆實有其故而非牽合強配
之者也

曰先天後天所以布圖之不同何歟曰先天主卦畫
之對待而仍著卦氣之交運後天主五行之運行而

兼示四方之定位先天卦位陰儀與陽儀對老陰與老陽對少陰與少陽對乾三陽與坤三陰兌上陰與艮上陽坎中陽與離中陰震下陽與巽下陰對此卦畫之所以對待而分陰分陽兩儀立焉者也震一陽離兌二陽乾三陽巽一陰坎艮二陰坤三陰陽之盛也有漸而陽極則陰生陰之盛也有漸而陰極則陽生此卦氣之所以交運而一動一靜互爲其根者也後天卦位震巽木生離火離火生坤土坤土生兌乾金兌乾金生坎水坎水復生震巽木若艮土之處水木相生之間者似非造化然水非土則無所載木非

艮之下
三有所
以三字

土則無所寄故艮土雖與水木相克而必居其間者
乃所以濟其相生之功也五行之生雖莫不待土然
木之生火金之生水或不待土鑽木生火鑠金成流
皆不待土而然也
而水之生木非土決不能成也此艮之不處於他卦
之間而獨處於坎震之間者也水而木木而火火而
土土而金金而復水如環無端者五行之所以運行
而造化發育之事也東方木與西方金對南方火與
北方水對而不可移易者四方之所以定位而建立
天地之體也蓋先天以對待為主而流行在其中後
天以流行為主而對待在其中對待者其體而流行

者其用也故合先後二天而言則先天爲體而後天爲用分先後二天而言則先天固自有體用而後天亦自有體用也

曰子論方圓圖旣以爲圓圖以流行爲本而今論先後天又以爲先天以對待爲本何先後言之矛盾也曰易道無窮不可以執滯而論也圓圖與橫圖對則橫圖主卦畫之生圓圖主卦氣之運生者有定體而運者有流行此主卦畫而言也與方圖對則方者地之靜也圓者天之動也靜者有定體而動者有流行此主天地而言也與後天對則先天天地之體也後

天天地之用也體有定位而用有流行也此主體用而言也所主之意不同故其言雖若矛盾而實未嘗矛盾也

曰先天八卦取象於天地風雷後天八卦取象於父母男女而有所不同何歟曰先天八卦天地位之事也後天八卦萬物育之事也天地定位山澤通氣風雷相薄水火相逮者天地之所以位也父生三女母生三男男女相得共主生育者萬物之所以育也此先後天取象之不同也然雷以動之風以散之日以烜之雨以潤之艮以止之兌以說之乾以君之坤以

藏之則先天之亦育萬物者也父統三男同居于陽
方母率三女共處于陰方而男女各正其位則後天
之亦位天地者也大抵天地位者其體之立也萬物
育者其用之行也位天地者所以育萬物者而育萬
物者實自位天地中來則天地位萬物育非有兩事
而先天後天元無二理者可見矣

曰先天天地風雷之位後天父母男女之位其所布
置亦皆有由歟曰天覆於上地載於下故乾南坤北
日升於東月生於西故離東坎西山起西北水注東
南故艮居西北而兌居東南雷以發生而東北是發

生之方風以長養而西南是長養之鄉故震居東北
而巽居西南以時則春始發雷西南多風且天地既
定位則日月行乎其中故坎離居乾坤之中澤降於
天上風行於天下故巽兌居乾之上下山附於地上
雷出於地中故艮震居坤之上下先天八卦之象所
以各居其方者盖有緣矣男道主生而莫如長子故
震居東方女道主育而諸女皆可故巽居東南離居
南坤居西南兌居西各以用事之勞逸爲次萬物生
於東而養於南成於西故以生主之長男居東而以
育主之諸女居西南二方母親故雖老猶能用事而

居少女之先父尊故既退不復用事而居西北坎艮
又不可與長男匹併故皆居無用之地蓋男尊而女
卑故事之出於尊者不可有二統而逮於卑者不嫌
其有衆此三女皆當用事之位而男則獨長男之外
皆不得有用者也後天八卦之象所以各得其位者
果無由乎

曰先天後天命名之義何據歟曰陰陽變易皆天也
然天不能自示於人而聖人畫卦以示人則所謂先
乎天者也卦畫既成則天又在此矣聖人因以變通
以爲入用之位則所謂後乎天者也且伏羲八卦天

地所以定其位也文王八卦天地所以著其用也天地之位既定而後天地之用乃著則定位者豈非先之天而著用者豈非後之天乎抑所謂天者非專謂蒼蒼蓋高之天也八卦中一奇一偶莫非天也而伏羲之卦畫於前文王之卦演於後則謂之先天後天不亦可乎以茲數說觀之則先天後天立名之義庶可知矣

曰朱子曰有天地自然之易有伏羲之易有文王周公之易有孔子之易然則易有此數般之不同歟曰未畫之前固已有太極之理陰陽之氣天地風雷水

火山澤之象河圖五十有五之數則所謂自然之易也衆人不知其爲易而惟聖人知之故伏羲畫卦以擬之則所謂卦畫之易也卦畫旣成而未有文字則人猶不知其裏面所包者有至廣至大之理故文王周公爲之係辭焉孔子又爲之作十翼以發明之則所謂文字之易也然文字之易所以發明卦畫之易而卦畫之易所以準擬自然之易則其實一而已矣豈直有數般之不同哉

曰聖人所以作易者何爲也曰太古之世民性朴渾心智未開思慮未運又無文字之可考往事之可徵

故於其一身之行與夫天下之事皆無以識其吉凶
之所在而定其趨向矣是以聖人爲之卜筮使之遇
事必占因占稽疑于以識吉凶而定趨向者也卜筮
又不可以徒爲故畫卦以寓之而畫卦必本於陰陽
者蓋以天地之間一陰一陽而已人之一身乃陰陽
之所會故其動靜云爲莫非陰陽之所發而事之吉
凶善惡亦莫不由於陰陽進退消長之變也以其類
言之則陽善而陰惡陽吉而陰凶以其全言之則陰
陽皆有中正過不及而莫不有善惡吉凶也然而陰
陽之變不可端倪故畫卦以擬之因其動而考其變

是豈無所根因而強意之也哉蓋陰陽者吉凶之本而卦畫者陰陽之影也卜筮者所以因其影而察其本者也事之吉凶善惡既出於陰陽進退消長之變則其進退消長之變又不可以不深揆其本故先天後天所以又因卦畫而推明義理者也愚故曰聖人因陰陽以畫卦因卦畫以明義理而畫卦之起乃由於卜筮也然則陰陽卦畫卜筮義理未嘗不一以貫之者也世人見說易爲卜筮作則皆以爲羞而以爲卜筮非所以語易實不知卜筮是爲何樣大事也天下之義理綜錯而至難尋吉凶深遠而至難預者莫

不因卜筮以決之則卜筮乃是使天下趨吉避凶向
善背惡之一大路而窮理正心修己治人之道無不
實具於其中矣此聖人所以未有許多論議時已先
作卜筮以教人者也故孔子曰太極生兩儀兩儀生
四象四象生八卦八卦定吉凶吉凶生大業此尤可
見其卦畫之爲卜筮而卜筮之非小事也

曰易之道盡於是乎曰安得盡也伏羲畫卦而不能
盡其意文王周公繫其辭而不能盡其言又夏孔子
康節朱子而後易道始大明矣然於精微曲折之間
未暇詳焉故後之談易者未已而猶有所未盡發者

矣今余之言或有言於諸儒之所不言者或致詳於
前言之所未詳者而皆易中之一端也易道安得盡
於是哉余所不及者將以從世之善易者學焉丁亥
十月日書于高山之僧舍

右圖說蓋多出於愚見推測而書成亦已久然推
其所由得實自函丈之間發之故附之於記聞錄
之後云乙未季冬書

文王易釋義


癸卯正月




說卦傳曰乾天也故稱乎父坤地也故稱乎母震一
索而得男故謂之長男巽一索而得女故謂之長女

坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

此文王八卦生出之序也乾一坤二震三巽四坎五離六艮七兌八說卦中釋後天八卦性情遠取近取廣象皆以此爲序




文王八卦生出之圖

一 乾 

三 震 
五 坎 
七 艮 

長得乾初爻
中得乾中爻
少得乾上爻

二 坤 

四 巽 
六 離 
八 兌 

姤得坤初爻
姤得坤中爻
妙得坤上爻


帝出乎震齊乎巽相見乎離致役乎坤說言乎兌戰

乎乾勞乎坎成言乎艮萬物出乎震震東方也齊乎
巽巽東南也齊也者言萬物之潔齊也離也者明也
萬物皆相見南方之卦也聖人南面而聽天下嚮明
而治蓋取諸此也坤也者地也萬物皆致養焉故曰
致役乎坤兌正秋也萬物之所說也故曰說言乎兌
戰乎乾乾西北之卦也言陰陽相薄也坎者水也正
北方之卦也勞卦也萬物之所歸也故曰勞乎坎艮
東北之卦也萬物之所成終而所成始也故曰成言
乎艮


此文王八卦運行之序也始震次巽次離次坤次

兌次乾次坎終艮前一節以帝之主宰乎萬物而
言也後一節以萬物隨帝而出入者言也上文曰
出曰齊曰相見曰致役曰說言曰戰曰勞曰成言
固皆言帝之功用然帝之功用非萬物無以見故
下文又以萬物言之也

文王八卦運行之圖



八卦統六十四卦運行之圖



記聞錄卷五 文王易釋義圖

三十六卦配八卦圖



八卦流行之序始震終艮故六十四卦流行之序亦始震終艮自乾至比屬震皆取出乎震之義也小畜至豫屬巽皆取齊乎巽之義也隨至復屬離皆取相見乎離之義也無妄至恒屬坤皆取致役乎坤之義也遯至解屬兌皆取說言乎兌之義也損至井屬乾皆取戰乎乾之義也革至旅屬坎皆取勞乎坎之義也巽至未濟屬艮皆取成言乎艮之義也

六十四卦分屬八宮而八宮所取其義甚廣於離言德於兌言時於坎言行皆互文以相見而方位

則備言之六十四卦之義亦依此而推之耳

有天地然後萬物生故首乾坤屯者萬物之始生而物生必蒙故屯蒙次之需訟萬物之有養而有爭也師比萬物之有衆而有比也有養則有爭有衆則有比物生之所然也又需訟在天之水也師比在地之水也萬物之盈天地間者皆生於水而又得水以養也故需訟師比又次之皆萬物出乎震之義也蓋乾者天也天道發育始於震方而天之主宰曰帝首乾於震卽帝之出也而坤則乾之配也自屯至比則乾之發生萬物而萬物隨帝而

出也此則所謂出乎震也

有天地而萬物生物生則蒙蒙則不可不養養則
必有爭爭則必有衆起衆必有所比比之爲卦九
五一陽居上之中上下五陰比而從之以一人而
撫萬邦以四海而仰一人之象蓋天地旣闢民物
始生生而蒙蒙而養養而爭洪荒之世其勢然者
也旣有爭亂則衆必聽其治於一人此君長之所
以立也書曰惟天生民有欲無主乃亂惟天生聰
明時乂者正謂此爾此又帝出之義也
萬物旣生必有所畜物畜然後有禮履者禮也所

謂天高地下萬物散殊而禮制行者也泰者天地
之交通也萬物并育而不相害也否者天地之定
位也萬物各正其性命也同人者萬物之類聚而
羣分也大有者萬物之富有而昭著也謙者平而
不與爭也豫者和而安其所也皆萬物齊乎巽之
義也

隨蠱萬物之相隨而有事也臨觀萬物之既大而
可觀也噬嗑賁萬物之合而飾也剝復萬物之往
而復也皆萬物相見乎離之義也

隨者聖人隨時之宜也蠱者聖人治事之壞也臨

觀者聖人之臨下而觀示也噬嗑賁者聖人之合萬物而致飾也剝復者聖人之與時消息也此又聖人南面而聽天下之義也

無妄者誠也地道誠而已矣大畜者地道畜物也頤者地道養物也大過者陽居中而過盛也畜養萬物則必有大過者矣非地道之大過何以畜養萬物哉過則必有所陷陷則必有所麗麗則必有所感有感有應感應不已則其道恆久矣誠者地道之本也畜養者地道之功用也大過者地道之大也有陷有麗者地道之所容也感者虛而有受

地道之量也恆者久而不變地道之常也皆萬物致養乎坤之義也

遇者退也萬物至秋而退也大壯者萬物至秋而壯固也晉者進也萬物至秋而進於用也明夷者傷也萬物至秋而衰傷也家人者萬物至秋而收歲也睽者萬物既遂睽異而不同也蹇者萬物遇蹇撓落而歸根也解者萬物成實則根蒂脫落可復種而生也皆萬物至秋而說於成之義也損則益之益則決之決則遇之四卦之義正相反而相因皆陰陽交戰相薄之義也遇則萃萃則升

升則困困則反下萃而升困而下亦相反而相因亦皆交戰相薄之義也皆戰爭乾之義也

革者萬物至冬而盡革也鼎者萬物既革而定命也震艮萬物自動而止也漸歸妹萬物以漸而歸也豐旅萬物既積而復出也皆萬物歸乎坎之義也

革者金革則反流爲水而水生於金也鼎者水之凝聚也凝聚則震動動則必止止則流必以漸其流以漸則必有所歸有所歸則必滿盈而豐大大則必有所出而爲旅矣此又取水歸之義也

巽者入也兌者說也渙者散也節者收也入而說
散而收皆成終之義也中孚者中虛而受物也小
過者陰過而陽在內也既濟者物之有濟也未濟
者物之不可窮也中虛受物而陽氣在內物有所
濟而不可終窮者皆成始之義也皆成言乎艮之
義也

文王八卦生出之序主於卦畫奇偶父母男女
之對待也其運行之序主於男女生育四時五
行之流行也生出者爲體運行者爲用體方而
用圓體靜而用動體有常而用主變故對待流

行各爲一義而位置倫序自不得不異矣若欲以運行之序準之於生出之序則可見其局而不通矣

或曰六十四卦之序配乎八卦之位者何以知其必然也曰此以先天推之則可知其然矣先天六十四卦之圖只就其八卦之位乾南坤北離東坎西者而廣之耳圖雖有大小其布置之法運行之勢未有所變也然則後天六十四卦之序亦只就其八卦之位離南坎北震東兌西者而配之者亦可見矣蓋先天主乎卦畫之對待故只可見其陰

陽奇偶往來消息之變燦然相對者而不可求其

卦義

屯者生蒙者釋之類

之用也後天主乎卦義之流行故

亦只見其四時五行生長收藏之序秩然相比者

而不可按以卦畫

陽畫陰畫

奇之體也此其一體一用

不可相無而必其并立然後易道乃可盡也

或曰六十四卦之序既因八宮流行之運則空若

不復取於卦畫而其序乃以卦畫之正對反對爲

次者何也曰正對者兩卦分立而相配爲體也反

對者二卦本一而互藏其用也正對比次者以其

配體之不可偏廢也反對比次者明其藏用之反

復爲一也試略言之乾爲萬物之始而得坤與配
然後方成天地之體故坤次之天地既立萬物生
焉故屯次之而屯反爲蒙則蒙亦屯之生也物生
必有養故需次之而需反爲訟則訟亦需之養也
物既生養其類必衆故師次之而師反爲比則比
亦師之衆也皆萬物出乎震之事也物衆則必有
所畜故小畜次之畜然後可齊故小畜爲巽宮之
首小畜之反爲履則履亦畜也物既畜則安故泰
次之而泰之反爲否則否亦泰也安則同故同人
次之而同人之反爲大有則大有亦同人也同則

乎故謙次之而謙之反爲豫則豫亦謙也皆齊乎
巽之事也物旣平則有所隨故隨次之而有所隨
而後可見故隨爲離宮之首隨者動而說也臨者
二陽進臨乎四陰也噬嗑者雷電合而章也剝者
一陽止於上而爲五陰所瞻仰也蠱反爲隨觀反
爲臨賁反爲噬嗑復反爲剝皆相見乎離之事也
自坤以下所屬諸卦皆然蓋六十四卦反而約之
則只是三十六卦也邵子詩曰三十六宮都是春
此以三十六卦包盡六十四卦之義而言也知此
則可知其正對反對之相爲比次者實亦因乎八

宮流行之運矣

或曰咸恆居坤宮之末而又爲下篇之首上下篇之分又在坤一宮之中何也曰今以六十四卦分配八宮故咸恆屬坤宮之末若以不易及易之卦三十六分配則坎離乾兌各得四卦震兌坤艮各得五卦咸恆於是屬兌宮之初爲下篇之首而自震至坤爲上篇自兌至艮爲下篇上下篇之分均得十八卦矣蓋八宮之中震爲萬物之生兌爲萬物之成坤爲萬物之養艮爲萬物之成終成始惟此四卦爲重故皆得五卦而咸之在兌宮者又爲

感遇結聚而爲斂退收藏之始矣其六十四卦之分配咸恆之屬坤者乃坤之氣溢而流於兌兌之氣縮而入於坤二宮之氣交互貫穿而上下篇之義又見其相爲終始非復截然不相入者矣

或曰或有爲後天之說者以三索爲主而不獨乾坤生六子六子又各三索以生乾坤以下諸卦而六十四卦之序謂亦因此而排定其義如何曰此正徒見其象而未識其意耳易雖有先後天之不同其有生出之體運行之用則同耳先天先有一畫以至三畫而以乾兌離震巽坎艮坤爲生出之

序以乾南坤北離東坎西爲運行之位後天先有
乾坤以生六子而以乾坤震巽坎離艮兌爲生出
之序以震東兌西離南坎北爲運行之位二者固
皆不同矣而其一天之中生出運行各自有序則
同矣今以八卦皆各三索而以生八卦則八卦互
爲先後而其生出之序終未有自然不易之定分
矣此其誤一也且以乾坤而生六子可也而以六
子而反生父母則其於倫理悖亂亦甚矣此其誤
二也況生之序行之序本各不同自河圖五行而
已然矣故先天生出運行之序既不盡同而後天

生出運行之序不同又懸矣今欲以六十四卦運行之序強附於三索生出之義則其髣髴偶合者亦未見其有矣何處見其自然排比不費智力之妙哉蓋後天八卦之序實由於乾坤相求以生六子則其以三索為主固未始不可而持此一說欲蓋衆理至以爲六子亦各三索以生諸卦而六十四卦之序亦由此而排定則直不成說話矣雖強以謂井井不紊其孰與之哉

或曰或者又以後天八卦各遇八卦爲六十四卦者以乾坎艮震巽離坤兌爲序其說亦如何曰此

又不識名義大體顯然可見者矣首乾坤次震巽
次坎離次艮兌者生出之序也始震次巽次離次
坤次兌次乾次坎次艮者運行之序也八卦各遇
八卦者若主生出則當以首乾坤終艮兌者爲序
若主運行則當以始震終艮者爲序今以乾坎艮
震巽離坤兌爲序者此爲生出之序耶爲運行之
序耶此蓋元不識後天生出運行之序而徒見其
先天之卦以乾爲首又見其後天之卦坎次於乾
遂以乾坎爲序殊不知後天之乾退在西北者全
不用事其義只爲陰陽交戰相薄之義而不可復

爲萬化之首者矣或者之說其疎謬可笑如此又何可與議於義文之精蘊也哉故其他所引參同納甲世應八宮十二辟卦等義以傳其說者類皆郢書燕說耳以是自贊其有功於文王擬之於伏羲之朱邵者可謂愚且妄矣子亦有疑惑於彼說者誤耳誤耳

序卦傳有天地然後萬物生焉盈天地之間者惟萬物故受之以屯屯者盈也屯者物之始生也物生必蒙故受之以蒙蒙者蒙也物之穉也物穉不可不養也故受之以需需者飲食之道也飲食必有訟故受

之以訟訟必有衆起故受之以師師者衆也衆必有
所比故受之以比比者比也

右八卦屬震皆出乎震之事也義見上不易者二
反易者三得三十六卦之五

比必有所畜故受之以小畜物畜然後有禮故受之
以履履然後安故受之以泰泰者通也物不可以終
通故受之以否物不可以終否故受之以同人

物通而不復否則過而不節矣否而不復同則乖
而不和矣皆非所以齊者也

與人同者物必歸焉故受之以大有有大者不可以

盈故受之以謙有大而能謙必豫故受之以豫

右八卦屬巽皆齊乎巽之事也義見上皆反易之卦得三十六卦之四

豫必有隨故受之以隨以喜隨人者必有事故受之以蠱蠱者事也有事而後可大故受之以臨臨者大也物大然後可觀故受之以觀可觀而後有所合故受之以噬嗑嗑者合也物不可以苟合而已故受之以賁賁者飾也致飾然後亨則盡矣故受之以剝剝者剝也物不可以終盡剝窮上反下故受之以復

右八卦屬離皆相見乎離之事也義見上皆反易

之卦得三十六卦之四
復則不妄矣故受之以无妄有无妄然後可畜故受之以大畜物畜然後可養故受之以頤頤者養也不養則不可動故受之以大過物不可以終過故受之以坎坎者陷也陷必有所麗故受之以離離者麗也右六卦屬坤皆致役乎坤之事也義見上不易者四反易者一得三十六卦之五

有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯夫婦

之道不可以不久也故受之以恆恆者久也

人之所說莫若夫婦夫婦之所說又莫若有恆

物不可以久居其所故受之以遯遯者退也物不可以終遯故受之以大壯物不可以終壯故受之以晉晉者進也進必有所傷故受之以明夷夷者傷也傷於外者必反其家故受之以家人家道窮必乖故受之以睽睽者乖也乖必有難故受之以蹇蹇者難也物不可以終難故受之以解解者緩也

遯而壯且進傷而反其家乖難而得解皆可說也
右十卦屬兌皆說言乎兌之事也義見上皆反易

之卦得三十六卦之五

緩必有所失故受之以損損而不已必益故受之以益益而不已必決故受之以夫夫者決也決必有所遇故受之以姤姤者遇也物相遇而後聚故受之以萃萃者聚也聚而上者謂之升故受之以升升而不已必困故受之以困困乎上者必反下故受之以井右八卦屬乾皆戰乎乾之事也義見上皆反易之卦得三十六卦之四

井道不可不革故受之以革革物者莫若鼎故受之以鼎主器者莫若長子故受之以震震者動也

鼎以受物長子主器亦物有所歸之義也

物不可以終動止之故受之以艮艮者止也物不可以終止故受之以漸漸者進也進必有所歸故受之以歸妹得其所歸者必大故受之以豐豐者大也窮大者必失其居故受之以旅

右八卦屬坎皆勞乎坎之事也義見上勞者勤勞勞來之謂也皆反易之卦得三十六卦之四

旅而無所容故受之以巽巽者入也入而後說之故受之以兌兌者說也說而後散之故受之以渙渙者離也物不可以終離故受之以節節而信之故受之

以中孚有其信者必行之故受之以小過有過物者必濟故受之以既濟物不可窮也故受之以未濟終焉

右八卦屬艮皆成言乎艮之事也義見上不易者二反易者三得二十六卦之五蓋六十四卦之序因八卦流行之序而相次者其義本具於序卦之中如此云

經義記聞錄卷第五

附錄

經義記聞錄卷第六附錄

理氣性情圖說

理氣源流圖




動靜無端陰陽無始理
氣只是一箇流行也就
流行中截自一陰一陽
初生處以為始而此陰
此陽未生之前其理已
具是則所謂理氣之源
頭也自源頭而觀則理

記聞錄卷六

理氣性情圖說

氣有先後而理爲氣本自流行而觀則理氣無先後
而理乘氣機朱子曰坤復之間是無極又曰陰陽若
論流行底則只是一箇合二說而推之則所謂源頭
者只是在流行中而理氣實非有先後之可見者矣

理氣動靜圖



有動靜亦可也朱子曰動靜非太極又曰理有動靜故氣有動靜合一說而推之則可見此理雖不自會

陰陽氣也太極所乘之理也動靜者機也動之靜之者理也故自其動靜者而言則謂之氣有動靜而理無動靜可也自其動之靜之者而言則謂之理有動靜故氣

動靜而亦能主其動靜矣


一原分殊圖



然已具張子所謂萬物之一原是也

就氣中不犯形氣單指
其理則渾然全體無所
偏倚故尊以稱之曰太
極夫子所謂易有太極
一陰一陽之謂道周子
所謂無極而太極程子
所謂沖漠無眚萬象森

分殊



性命周子所謂五行各一其性孟子所謂犬之性牛之性人之性朱子所謂偏全之理是也

就氣中各指其氣之理則理已偏於一德而不得為全體故分而目之曰健順五常亦不雜乎其氣之善惡而言故其本善之體自若也夫子所謂成之者性各正其

殊分之殊分



兼指理氣則氣有善惡
理亦有善惡故據氣稱
之曰善惡之性夫子所
謂性相近周子所謂剛
柔善惡中程張所謂氣
質之性是也

一原分殊只是理



單指各指兼指只在一處
處理在氣中只有一體
而單指則皆全各指則
有偏全兼指則有善惡
朱子論性所謂同中識
其所異異中見其所同
者是也

性在氣中一而已矣就此一箇地頭或不犯形氣單
指其理或各指其氣之理而亦不雜乎其氣之善惡
或兼指其氣之善惡而言故其性有一原分殊之不


同單指處未嘗非健順五常之理各指處未嘗非太極之理兼指處亦未嘗非健順五常太極之理然單指處不可喚做健順五常之殊各指處不可喚做太極之全體兼指處不可喚做太極五常本然之德譬如看山橫看成嶺直看成峯而山未嘗有二也然看成嶺處不可喚做峯看成峯處不可喚做嶺也理一也山一也只在人看得有別耳

右六圖謹述所聞而作前二圖推明理氣之源後四圖詳著性命之蘊其說備於記聞錄太極說中矣乙未季冬書

心統性情圖 乙酉臘月作

心統

五氣雖殊實不相外
虛五性雖殊亦不相外知




性情

仁之理乘木氣而發為惻隱
禮之理乘火氣而發為恭敬


四端八字

七情橫貫



義之理乘金氣而發為羞惡
智之理乘水氣而發為是非

各是一義



記聞錄卷六

理氣性情圖說

天以陰陽五行化生萬物氣以成形理亦賦焉人於

其間獨得其正通之氣故其心為最靈而其性為最

貴血是謂神明外竅中其方寸五行精英之氣聚

也蓋虛靈知覺詳於記聞錄中庸說中為一身之

主宰者心也萬善具足為一身之準則者性也心者

氣之聚而其用至變不可測形而下者也性者理之

會而其體至微不可見形而上者也心之有覺者感

物而動而性之無為者乘機而發則情也緣是情而

有商量者意也由是情而定趨向者志也念慮思又

皆意之屬也性之目有五曰仁義禮智仁義禮智

各是一德而天下之理皆管於是信則只是仁義禮
智之實有者而四德之外更別無信矣情之目有四
曰惻隱羞惡恭敬是非惻隱者是仁之發羞惡者是
義之發恭敬者是禮之發是非者是智之發信之用
只是惻隱羞惡恭敬是非之誠實者而四端之外更
別無信之用矣四端衍之爲七情七情約之爲四端
同實而異名者也朱子曰七情橫貫過了四端又曰
八字如八節又曰人之心不外是四者人心四七之爲食色而發者
也道心四七之爲道義而發者也人心道心兼意志
四端七情不兼意志爲言而非四七則意志亦無所

緣矣

四七之情包人心道心人心道心不能包四意
七之情四七之發有不屬人心而惡者故也

志緣於情情又原於性而未發心之體已發心之用
則此心之所以該誠神備寂感貫有無通內外而無
不包也○五行之氣在人心者溫厚者是木之氣而
其理則仁也宣著者是火之氣而其理則禮也嚴肅
者是金之氣而其理則義也虛明者是水之氣而其
理則智也完具者是土之氣而其理則信也然氣之
溫厚者不外於嚴肅嚴肅者不外於溫厚五者只是
一氣而不相外焉故理之仁者不外於義義者不外
於仁五者只是一理而不相外焉自氣而言則有昏

明羸之之不同自理而言則無昏明羸之之不同故
氣雖不齊而理則皆善單指理則爲本然之性兼指
氣則爲氣質之性而性無二體矣○未發之前氣雖
有清濁粹駁之不齊事物未至思慮未萌故氣不用
事而澹然虛明而已卽此澹然虛明之中而天命全
體無所掩蔽無所偏倚而亭亭當當卓然中立則所
謂中也若於此而兼指清濁粹駁之氣則爲氣質之
性而不可謂中也然中者是性之本體而不中者非
性之本體則雖有兼氣而言以見理氣不離之妙亦
不害於性之本體單指而爲中者矣○朱子曰心之

本體未嘗不善又却不可說惡不是心若不是心甚

麼做出來

朱子說此

既謂善而又謂有惡者何也心者

氣之聚而體本虛也虛故不昧氣故不齊自其體本
虛而不昧者言則謂之善自其氣之聚而不齊者言
則謂之有善惡然則既謂善而又謂有善惡者言各
有所指而不相妨也性在氣中者即其未發虛明而
中則謂之大本之性兼其氣稟不齊而言則謂之氣
質之性○已發之時氣始用事故理之乘清氣而發
者不爲氣掩直遂其本然之性而爲達道理之乘濁
氣而發者爲氣所掩遂失其本然之性而不得爲達

道情之善惡氣之所使而非理之有善惡也然理弱
氣強故理之善者既爲氣之惡者所掩則亦隨其氣
而爲惡矣不可謂氣雖惡而理獨自善也蓋心則氣
也纔涉氣便不齊故未發也善惡未形而粹駁則在
矣已發也粹駁用事而善惡斯分矣然指其粹駁謂
之善惡亦得故曰氣質之性有善有惡○氣之溫厚
者發而爲惻隱而惻隱之失爲姑息宣著者發而爲
恭敬而恭敬之失爲詔諛嚴肅者發而爲羞惡而羞
惡之失爲殘暴虛明者發而爲是非而是非之失爲
詐妄此惻隱羞惡恭敬是非之有善惡者也故朱子

曰惻隱羞惡也有中節不中節蓋孟子道其善而朱
子道其全也○心性之妙難知亦難言也有一譬諭
可見其萬一也心如一箇蟻珠心之有五行之氣卽
珠之備有五色也五氣雖殊未嘗相離而不能對峙
各立如珠之五色雖殊未嘗相外而不能逐色各有
田地也五氣雖不對峙各立而亦不相混木自木火
自火金自金水自水如珠之五色雖非各有田地而
亦不相混青自青白自白紅自紅黑自黑也木氣發
而爲惻隱金氣發而爲羞惡如珠之逐色去照物也
木氣發而金水火之氣未嘗畱在中間不動金氣發

而木火水之氣未嘗畱在中間不動如珠之一色方
照而諸色未嘗盡在一邊也人之稟氣全而其性亦
全如珠之五色全備也禽獸之稟氣偏而其性亦偏
如珠之或只有青色或只有白色而五色不能全也
人之稟氣得木氣重者惻隱之心常多而羞惡恭敬
是非之心爲其所塞不發得金氣重者羞惡之心常
多而惻隱恭敬是非之心爲其所塞不發如珠之五
色或有青色多者或有白色多者色之多者常發於
外而諸色之不勝者每爲其所掩也聖人之陰陽合
德五性全備如珠之五色停均而無相勝相奪者也

情下
有狀字

蓋心屬火故能光明照燭而亦聚五行之精英故能
變化無窮而不滯於一方謂一心之中五行之氣對
峙各立固不可也而謂全無其別亦不可也唯在人
默識而見其情也性之無形尤難看若即氣看理則
於此譬亦可約綽認取而氣有羸乏理無勝負者有
非物譬所可見須神會得之於言說之外可也○性
之有仁義禮智猶燈火之有熱者明者中黑者炎上
者也火合心性而譬之則心即燈仁義禮智不能相離
而仁徹底是仁義徹底是義不是半邊是仁半邊非
仁半邊是義半邊非義也如火之熱明中黑炎上者

不能相離而熱徹底是熱明徹底是明非半邊是熱半邊非熱半邊是明半邊非明也然仁是一界子義是一界子禮智又各是一界子而仁發爲惻隱義發爲羞惡禮智發爲恭敬是非如火之熱是一般明是一般中黑炎上者又各是一般而熱者熱之明者照之中黑炎上者又各自中黑炎上也仁義禮智之發又各自具四者之用以仁言之則仁之發出底是仁之仁行之有節文底是仁之禮處得合當底是仁之義知而不去底是仁之智如火之熱者其始熱是一般其極熱是一般到得火衰熱氣漸緩是一般到得

火滅熱氣全息是一般而熱之中又有是四箇般樣也。大抵四者之性既非相離而各爲一物，又非相混而都是一物。故逐件看之，燦然各有界分；而合而看之，渾然只是一物。事於此看得分明，方可以知性也。

燈火之譬又在記聞錄太極說中合而觀之其義方盡


○先天太極圖其圈於

外者氣也。其中間虛白處理也。然其實非以理別爲一物，而在氣中如鷄子之包黃也。要作圖子，不得不爾也。覽者或誤認此真以爲理之在氣中者，別爲一物，而與氣相對及其發用亦各自主張出來也。殊不知氣之寓於天地之間與方寸之內者，徹內外徹上

下都是氣也而無些子中間空闕處可以別容得理也理之在氣中者亦徹內外徹上下而無不在也非別為一物而在氣中也透見得此可無二歧之疑矣

性情橫看圖

戊子十月作下二圖同



發為情

惻隱 仁之端
恭敬 禮之端
羞惡 義之端
是非 智之端

就性情橫

看則人之

稟是性於


天者愛恭

空別之理

渾然齊具

無有先後惻隱恭敬羞惡是非之端隨事迭應無有
次第或問分爲五之序朱子曰渾然不可分又曰仁
義禮智發時無次第者是也

性情豎看圖



發爲情

遇	事	行	處	辨
發	有	得	記	
出	文	空	藏	
底	底	底	底	
是	是	是	是	
仁	禮	義	智	
之	之	之	之	
用	用	用	用	

就性情豎	看則人之	稟是理於	天者莫非	渾然全體	也渾然全
------	------	------	------	------	------


體是仁纔渾然便有條理燦然於其中是禮纔燦然便有嚴肅整齊底意是我纔肅然便有炯然含藏底意是智纔含藏又復渾然一理中含此四箇意思而略似有先後又似有循環底意其接於事物也發之者仁行之者禮裁之者義藏之者智而仁復發之一事中四者之用都具而略似有先後又似有循環底意朱子曰仁義禮智生時有次第又曰這物事分不得流出來是仁仁打一動義禮智便隨在這裏者是也

橫看豎看互相經緯而通看則橫看四德卽是豎看


四德也或曰橫看豎看經緯之說未諭其意曰性無
形象實非有可指可分之物也然無形之中萬象實
具故分其綱而目之曰仁義禮智此亦不得已之說
也豈真有四塊物事磊砢其間而可撮可摩也哉橫
看豎看云者亦要縱橫推見以盡其妙耳豈真有八
塊物事重併積疊而交股枕臂也哉蓋橫看則愛恭
空別之理各爲一事而一事之中渾然燦然肅然炯
然者不離焉則所謂橫看者爲經而豎看者爲緯也
豎看則渾然燦然肅然炯然者各爲一事而一事之
中愛恭空別之理皆具焉則所謂豎看者爲經而橫

看者爲緯也又通而看之則渾然者是愛之理燦然者
是敬之理肅然者是空之理炯然者是別之理而
橫看豎看只是一事也此意至精至微若分若合惟
在人默而識之耳或曰肅然之爲空炯然之能別固
無可疑渾然之爲愛燦然之爲敬獨奈何曰愛有周
遍廣大之意其非渾然者耶敬有整齊光明之意其
非燦然者耶

性情總會圖



發為情



好仁之用

惡義之用


惻隱仁之端專
一心之用

記曰物至知知然後
好惡形焉然則知亦

當係好惡之心而智
之所以包一心也

此圖之意備於朱子答陳器之書中矣智之用包一
心者固當以知覺言然是非一端亦可以包之好惡
統四端而是非一事又自具好惡兩面故也

五性互主圖 乙未季冬作



發為情

四者之發皆仁體之流行
四者之發非義無以裁制
四者之發非禮無以品節
四者之發非智無以分別
四者之發非信皆為虛妄

仁之訓曰愛之理心之德義之訓曰克之理心之制

禮之訓曰敬之理心之矩

論語或問曰禮為心之規矩

智之訓曰

別之理心之通

通書通曰智

信之訓曰實之理心之無妄

上一句皆見其各為一事之德下一句皆見其互為
一心之主蓋五行一原故五行各具五行之理其在
人者又如此然就五者而言其尤著者則心是一箇
生生底而仁是生之理心是一箇通明底而智是通
之理五者又皆真實無妄底而信是無妄之體則仁
智信之為一心之主者又見其為大也或問於朱子
曰性之四端迭為賓主然仁智其總統也恭而無禮
則勞是以禮為主也君子義以為質是以義為主也

蓋四德未嘗相離遇事則迭見層出要在人默而識之曰說得是五性互主之義此問答備矣

五性推本圖 戊子十月作

木其神在人為仁

木為五
木包五仁包四
行之首

以木言之則木以仁言之則事
則木也而以水親仁也而以智
生之以土載之知之以義制之
逢夏氣而長至以禮行之以信

火其神在人為禮

五行各須五
五行行而成五常各須五
常而成
秋金而堅 成之

土其神在人為信

土為五
土包五信包四
行之實

以木言之則木以仁言之則事


金其神在人為義

五行各須五
五行行而成五常各須五
常而成

水其神在人為智

水為五行
水包五智包四
之始終

則木也而其膏得空義也事親
液水也其敷發有節文禮也事
火也其堅剛金親以誠信也知
也其完實土也所以事親智也




朱子曰五行各一其性則爲仁義禮智信之理五行各專其一人則兼備此性而無不善圖之最上第一層之意也又曰五行之序木爲之始水爲之終而土爲之中以河圖洛書之數言之則水一木三而土五皆陽之生數而不可易者也故得以更迭爲主而爲五行之綱以德言之則木爲發生之性水爲貞靜之體而土又包育之母也故木之包五行也以其流行貫徹而無不在也水之包五行也以其歸根反本而藏於此也若夫土則水火之所寄金木之所資居中而應四方一體而載萬類者也故孔子贊乾之四德而以貞元舉

其終始孟子論人之四端而不敢以信者列序於其
間蓋以爲無適而非此也圖之第二意也張子曰木金者
土之華實其性有水火之雜故木之爲物水漬則生
火然而不離蓋得土之浮華於水火之交也金之爲
物則得火之精於土之燥得水之精於土之濡故水
火相待而不相害鑠之及流而不耗蓋得土之精實
於水火之際也土也者物之所以成始而成終也地
之質也化之終也水火之所以升降物兼體而不遺
者也朱子曰仁是生底意通貫周流於四者之中須
得辭遜斷制是非三者方成得仁之事

圖之第三層
右一圖之意

朱子曰金木水火土雖曰五行各一其性然一物又各具五行之理左圖一圖之三層之意周子曰五行一陰陽陰陽一太極朱子曰五行乃五常健順乃陰陽又曰健順之體卽性也合而言之則曰健順分而言之則曰仁義禮智仁禮健而義智順也四圖層之最下第聖賢論性皆本於五行知五行則可以知五性矣

心性妙合圖



前此心術之說
無不各執一端
而不知心之妙
在性情之合

意
意因有情
而後用

右圖以古篆心字

分配性情以明人

心無二歧之義其

上外面圓畫以象

心包是性裏面縱

畫以象性具心中

雙畫對立嫌於二

性故合為一性字


然仁包禮義包智
在性中為大界限

又以二畫分配仁義則其下合心畫性畫而拖出一畫
又無毫分之差矣

者以象心性俱發而爲情又自情畫拖長者以象緣情而爲意四端七情人心道心俱繫于情下者以明四七之非二情而人道之無二發也性情意各著其位而心則不別著其位者以明性情意無非此心也於是卽圖而考之則未發也心包是性已發也心性俱動而理氣無離合之時情原於性意因於情而三者之脉絡相貫性在內情見於外意又在情下而三者之區域不亂三者之位又只在一心字上則心之無所不統也理氣混合之妙性情體用之辨此圖庶乎可見矣栗谷先生曰心性情意只是一路而各有

境界其先獲之語乎

心性二歧圖



使覽者知所擇焉

右權陽村心性情圖心性二歧之差
此圖首實自盡不待更辨矣後來為
說雖漸密曲為彌縫然其實相本邑
則宛然無改於此圖之指實見既差
儘非辨說所可文也故仍其圖而改
其名曰心性二歧以附于前圖之下

中庸天命圖 癸巳四月作

理通處亦有
氣局之可言
天命所乘二
理通之可言
萬物各具一

氣萬

未發之前氣不用事故

理萬

成存

天命之謂性之謂性者未發之中心情

性養

通一善

天命全體無所偏倚

局正

五之氣有偏
正通塞之不
齊是也
太極人性皆
善是也

省

無過而天命

不及流行

察

喜

怒

哀

懼

愛

惡

欲

喜

怒

哀

懼

愛

惡

欲

性之道發而大本立
性之道發而大本立
性之道發而大本立
性之道發而大本立

靜存動察所以立大本
去私去善所以行達道則修達道之謂教命之所以垂

惡原於性不可謂率性發而不可謂和大本不正天地不位萬物不

育天命本立

記聞錄卷六

理氣性情圖說

中庸章句或問其說備矣按繼善者命之方行而無所偏倚理之通也萬物之一原也成性者命之已立而隨物定體氣之局也萬物之各正也理通處看氣之運則命亦有偏全氣局處看理之體則性未嘗不全自天賦之而謂之命自物受之而謂之性命性之所以有別也所賦所受只是一理則命性之所以爲一物也未發之前氣不用事而理無偏倚者天命之體所以立也已發之際氣始用事而理乘其機者天命之用所以行也氣順其理而理無不中者天命之流行而無所壅遏也氣知其理而理有不中者天命

之壅閼而不能流行也靜而大本立動而達道行而其效極於天地位萬物育天命之立也靜而大本不立動而達道不行而其害至於天地不位萬物不育天命之不立也靜存動察去私充善以立大本行達道者修道之教而命之所以立也故程子曰此理天命也順而循之則道也循此而修之則教也自天命以至於教我無加損焉朱子曰修道之教雖以人事言然其所以修之者莫非天命之本然然則此圖所蘊自天命以至於位育莫非天命之實體也以天命置之圈上者特以著大本原之所在耳豈真以天命

別爲一事而置之中和位育之外哉。覽者其詳之。以善爲一原者只是就繼善成性上分別論一原而繼善故也。若自一陰一陽之道說來則道爲一原而繼善成性又爲分殊矣。

人心道心圖

巳丑二月作



中庸序文其說備矣人心道心之無理氣二途之發

記聞錄中庸說中又詳矣蓋形氣者耳目口體之形也性命者仁義禮智之理也心者居乎形氣之內包性命而發知覺者也知覺之發也食色之心傍因耳目口體之形而生者人心也義理之心直由仁義禮智之性而發者道心也二者皆本於性命而發於心豈有理之發氣之發之不同哉朱子之指蓋恐如是云

為學之方圖

恐懼乎其所不聞

戒慎乎其所不睹

存養

通動靜

敬者聖學成始成終之要

敬

貫知行

致知

博學之審問之

慎思之明辨之

常惺惺法

主一無適

整齊嚴肅

省察

審其是非察其真妄

事之方來念之方萌

勿忘勿助
持敬節度

力行

非禮勿視非禮勿聽

非禮勿言非禮勿動

栗谷先生嘗作為學之圖今載續集中者是也第其

名位布置之際工夫節目之間頗有可疑僭不自揆
妄爲此圖非敢正其失也蓋欲加詳其節目以爲駕
下之質持循警省之資云乙酉臘月書

後得亢菴先生答直齋李公書讀之爽以栗谷圖
爲未安而且以爲非先生所作仍改作一圖以示
之其圖大槩與愚圖不異云

右十一圖乙酉以後所作皆所以發明舊聞之指
也合而取之略加刪訂以附前六圖之後云乙未
季冬書

孟子養氣章說

第一節不動心三字爲一篇題目○第二節出告子與已對說言不動心有精麤得失之異○第三節言不動心之有道蓋言不動心雖有精麤得失之不同要皆心有所主而後能也○第四節北宮黝以必勝爲主而不動心○第五節孟施舍以無懼爲主而不動心所守皆血氣之勇告子之不動心蓋此類也○第六節言黜舍之不動心蓋皆麤底而於其中又有精麤之不同也○第七節曾子以自反常直爲主而不動心所守乃義理之勇孟子之不動心蓋原於此矣○第八節黜舍之不同在於敵人守已舍與曾子

之不同在於守氣循理守已約於敵人循理又約於
守氣也○第九節上旣以黜舍曾子對言則告子孟
子不動心之不同卽此可知而丑不達故又問而孟
子答之只言告子之病而不言自己之事蓋旣論告
子之病則卽此而反之可知孟子之不動心故也不
得於言勿求於心不能知言也不得於心勿求於氣
不能養氣也孟子之反乎是者豈不爲知言養氣乎
不得於言勿求於心直以不可斷之故更無餘言不
得於心勿求於氣雖曰可矣而實不得爲至可故復
言持志又須養氣以釋上言可也之爲未盡也○第

十節言氣壹動志以明志之不可徒恃而氣之不可
不養也○第十一節上旣言志之不能知言養氣
則孟子之反是而能知言養氣可知也而丑不達故
又問而孟子答之先言知言後言養氣先知後行也
○第十二節孟子先言知言而丑却先問養氣畱知
言在後問者溯流而及源也○第十三節至大至剛
言氣之體○第十四節配義與道言氣之用○第十
五節集義所生是言養氣之道○第十六節勿忘勿
助是言集義之節度至大至剛一節雖言氣之體實
包下文三節之意配義與道而無所餒乏者塞乎天

地之用也集義以生而勿忘勿助者直養無害之事也直養無害卽曾子之自反而縮也塞乎天地卽曾子之千萬人吾往者也○第十七節至此又釋知言則孟子之所以不動心者其義盡矣更無可言其下却說孔子之聖以明不動心之極功丑之稱孔子以說辭德行之兼孟子之稱孔子又以仁智之盡說辭與智卽所謂知言之至也德行與仁卽所謂養氣之至也知言養氣之至則從心所欲不踰矩而不動不須言矣○此章始開告子之學明趨舍也中言知言養氣學問之工也終言孔子之聖大一統之義也○

或言浩然之氣賢者獨得而愚不肖不與或言知至
意誠後方有浩然之氣而不可謂生下來便稟得此
氣二說者皆不察乎孟朱二夫子之意也孟子曰我
善養吾浩然之氣謂其浩然之氣人皆得之而我獨
能善養所以能四十而不動心也蓋言己之善養以
曉人同有此氣者不可不養也若是他人之所無而
孟子獨得之則孟子必不肯言之自古聖賢何嘗自
誇其氣稟之異衆乎集註又曰天地之正氣人得之
以生此人字亦可只作賢人看乎集註又曰氣者卽
所謂體之充也本自浩然失養故餒唯孟子善養之

以復其初若此氣生下來不能稟得而必待知至意誠後得之則安得言本自浩然安得言善養復初乎唯其本有是氣故有失有復也初無是氣則失者果何物而復者又何物耶蓋浩然者天地之正氣盛大而流行者也得是以生則爲人不得是以生則爲禽獸唯其於正者之中不能無清濁粹駁之異故盛大流行之體人無不得而清濁粹駁之稟人各不同得其清粹者爲聖爲賢故所爲常慊於心而不失其盛大流行之體得其濁駁者爲愚爲不肖故所爲常多可媿而遂失其盛大流行之體苟能善養則亦可以

復其初矣譬如水之流行一也而清濁不同故清者無所壅閼而無時不流行濁者有所壅閼而或不能流行矣然澄其濁而決其壅則其流行者又未嘗不如初矣

孟子生之謂性章說

道性善章註曰孟子之言性善始見於此而詳具告子之篇此章註曰告子論性前後四章語雖不同然其大指不外乎此然則七篇之內論性善莫詳於告子問答而告子之論性大指又不外於此章則孟子之發明性善以曉之者宜亦莫切於此章所答也○

性善章註曰性者人所稟於天以生之理也杞柳章註曰性者人生所稟之天理也湍水章註曰性則天理未有不善者也此章註曰性者人之所得於天之理也四章之內訓釋性字無一字不同則或者謂此章之言性獨非性善而異於他章者果何據乎○此章註曰以理言之則仁義禮智之稟豈物之所得而全哉此人之性所以無不善而爲萬物之靈又曰告子不知性之爲理而以所謂氣者當之以氣言之者固爲氣質之性以理言之者果非本然之性乎且朱子旣以無不善釋此章之性而或者必以爲氣質善

惡之性者又何說也○性善章或問曰董子所謂明
於天性知自貴於物然後知仁義者謂此也此章或
問曰孟子此章之指只恐昧於人性之善耳孟子言
性善則朱子以貴於物者釋之孟子言人物之性不
同則朱子以性善者釋之性善之人物不同果不明
乎○大抵犬牛人性之不同實由於形氣之異則對
太極之理無物不全無物不同者而言亦可謂氣質
之性然犬與犬同牛與牛同人與人同而同爲可循
之性則對人人不同物物不同之性而言豈不爲本
然之性乎犬率犬之性爲犬之道牛率牛之性爲牛

之道人率人之性爲人之道則卽中庸所謂率性之
道也此性字若非可循之性則犬牛人此性之外又
別有何性可循乎雖可循矣而亦爲氣質之性則氣
質善惡之性果可循乎而中庸率性之性亦爲氣質
而非本然耶蓋太極超形氣而稱之故無物不全無
物不同性則因氣質而名之故雖有人物偏全之不
同而亦不雜乎各其氣質昏明美惡者而言故人與
人同物與物同而同其爲可循之性矣同爲可循者
果非本然之性乎或者徒知萬物皆同之理爲本然
而不知人物各循之性亦皆爲本然徒知本然之有

全而不知有偏全之亦不害爲本然或矣夫所謂本
然者謂其本如此也鷄司晨犬司盜牛耕馬馳皆其
性本如此則所謂本然者也若其鷄之不能司晨犬
之不能司盜牛不能耕馬不能馳者乃其失其本然
而由於氣質之不齊者也若以鷄司晨犬司盜牛耕
馬馳謂非本然之性則是物獨不有本性也雖曰物
有與人一同之性是其本然而物終不能行人之道
則是物之有本性終不能發用矣性而不能發用則
何貴乎其性也天之賦性獨於物而不能發用者又
何也集註無不善三字最宜詳玩鷄司晨犬司盜牛

耕馬馳固皆其本性之善者也但不能如人性之全而無不能故於人特曰無不善於善字上見其物之本性亦善於無不字上見其人性之全而非如物之偏也蓋無不善一句承上文仁義禮智之稟物不能全而言故所謂善者指仁義禮智而物之得其偏者亦在其中所謂無不者指物之所不能全而人獨全也故人物本性之不同只爭其偏全不當爭其善不善也讀者不察此意欲於犬牛人三性字上分別其善惡而於物之性偏者并與其善者而奪之則又不免於誤矣

語類中庸首章端蒙錄萬物稟受莫非至善者

通書說

首章誠 通書言誠字有以天道言者此章誠字是
也有以人心言者下章誠字是也非謂有二誠也但
有在天在人之分也此書皆言一分爲二二分爲五
五分爲萬或言一在二中誠之源誠斯立是也或言
一在二上誠無爲幾善惡是也要當觀其所言之如
何耳○第二章註靜而不正故邪 此靜字姑以未
與物接者而言雖未與物接昏昧雜擾則邪矣若其
至靜者則未發而中矣豈復有邪也中庸或問曰靜
而天理昧與此靜字同章句曰至靜之中無所偏倚

此則未發而中也加一至字則意自別矣○第三章
愛曰仁宜曰義 韓子博愛之謂仁行而宜之之謂
義程子非之則周子此言之不同於韓子者又何義
也此當就曰字之謂字上看得出就曰字上看則是
卽愛宜上見得仁義之德也就之謂字上看則是直
指愛宜以爲仁義之性也蓋仁義性也愛宜情也仁
義之德固著於愛宜而其性情之分則不可混也故
周子因用以名其體則可而韓子認用爲其體則不
可也○註性者獨得於天 此性字以氣質言既曰
獨得則非通言之性也然於本性之外實無分毫所

加蓋獨得雖由於氣質其所得之性則却與衆人所同得者無異矣

朱子太極說解

動靜無端陰陽無始天道也始於陽成於陰本於靜流於動者人道也然陽復本於陰靜復根於動其動靜亦無端其陰陽亦無始則人蓋未始離乎天而天亦未始離乎人也

此言動靜對待而互爲其根也始於陽繼之者善萬物資始也成於陰成之者性萬物各正也本於靜天命之性具於靜而性無不善也流於動吉凶

悔吝生於動而情易流於惡也

元亨誠之通動也利貞誠之復靜也元者動之端也
本乎靜貞者靜之質也著乎動一動一靜循環無窮
而貞也者萬物之所成終而成始者也故人雖不能
不動而立人極者必主乎靜唯主乎靜則其著乎動
也無不中節而不失其本然之靜矣

此言靜之主乎動也蓋以貞之終始萬物者而言
則動亦靜也而靜爲動之主也

靜者性之所以立也動者命之所以行也然其實則
靜亦動之息爾故一動一靜皆命之行而行乎動靜

者乃性之真也故曰天命之謂性

此言動之主乎靜也蓋以命之流行不已者而言則靜亦動也而動爲靜之主矣

情之未發者性也是乃所謂中也天下之大本也性之已發者情也其皆中節則所謂和也天下之達道也皆天理之自然也妙性情之德者心也所以致中和立大本而行達道者天理之主宰也

此言心之主乎性情也中也和也大本也達道也者性情也而天理之實體也致之立之行之者心也天理之所統會也

靜而無不該者性之所以爲中也寂然不動者也動而無不中者情之發而得其正也感而遂通者也靜而常覺動而常止者心之妙也寂而感感而寂者也此言心之通貫乎動靜而動與靜又相涵也靜而常覺覺者靜中之動也動而常止止者動中之靜也

通看全說之文義則每一段皆始分而終合之第一段始分天道人道而終合天人而言之第二第三段始皆分動靜而終皆以動靜一義合言之第四第五段始皆分性情而終皆以心合言之

經義記聞錄卷第六附錄終

右記聞錄成於乙未冬後二年丁酉秋奉呈于先生請其介正冀以備臯比講說之定論而免起後人傳訛之惑先生受而置之几案者久略加評訂以示小子且教曰有功於余請賜小敘以識卷首則亦既許之矣未及下筆而先生遽棄後學嗚呼痛哉仍竊惟念是錄既皆得之於講問請益推演發明者而又經先生親賜勘訂則存之以爲後學求道之資亦庶幾乎其可矣易學答問作於丁亥冬理氣性情圖說乙酉至乙未屢年所作也蓋皆平日函丈間所嘗講明者而孟子養氣論性二章

說又是承命起藁者也并與原錄一時奉呈俱蒙
印可庸學小註諸儒說辨一卷成之在後未及奉
質然其指要無出於原錄而又多有與原錄互相
發者故并以附見於原錄之下嗚呼小子愚蒙往
者不能少體先生教育之意猶未免爲鄉人樑木
一摧卒葉無所追思痛恨無以自解獨有奉持緒
言不私於己使先生講學明道之志不廢於世則
庶其爲報師恩補已過之萬一也哉并識所感以
告同志壬寅仲夏日元震謹識

FOR USE IN
LIBRARY
ONLY

B
127
C65H34
1722
v.3

RESTRICTED SHELF